

Mbete kí njèkungì joo kí  
Piyør  
ndàngì

**Ta-je** kí dɔ mbete-tì kí njèkungì joo kí Piyør ndàngì

Mɛɛ mbete-tì liə kí dɔsay lé, njèkɔwkulə Piyør pa ta kí sɔbì dɔ dow-je kí ndaa-tì kí 'to njèkəwnə-je al kí 'rɔ kì njèkadmɛɛ-je ə 'ra-dé adi d'ingə kɔ. Mɛɛ mbete-tì kí njèkungì-tì joo kinlé, ɛ pa ta kí sɔbì dɔ dɛ kí 'to njèkəwnə-je kí mɛɛ kəy-tì kí d'osi ta néndó kí tɔgrɔ-tì kí to néndó lə dow-je lə Kristì Lo kɔr-é kí 3:1 lé, tɔjì kí ɛ ndàngì mbete kinlé adi kutì njèkadmɛɛ-je kí káre-rè kí ndɔkì d'ingə mbete liə kí dɔsay ngá kin bè. Ɛ ndàngì mbete adi-dé, kɔ kadi d'ində-né kəmkaa dɔ rɔ-dé-tì kɔ dow-je kí njèkɔsì ta ta kí tɔgrɔ-tì.

Mɛɛ ɓal-je-tì kí ɓu ɓu nɔ lé, dow-je nɔ ya 'pa ta-je kadi 'gə kí à to Piyør ɓá ndàngì mbete kin al. Ngà titì kí tò-né lo kɔr-é kí 1:1 rəm, titì kí tò-né mɛɛ mbete-tì lo-je-tì kí rangì kí pa ta kí sɔbì dɔ né-je kí ra né kí Piyør ɔ lo-é-tì lé, j'ndigì dɔ-tì kí to ɛ ya ndàngì mbete kin. Ɛ ndàngì mbete kinlé, ta tɔl ta ndɔ-je-tì liə ya tɔgrɔ-tì. Piyør tɔjì kí gə ta kí tɔgrɔ-tì ɓá à taa dɔ-ji ta néndó-tì kí ngɔm. Lo kɔr-é-tì kí 1 lé, ɛ pa ta kí sɔbì dɔ majì lə gə Lubə, kì gə 'Babe Jezu Kristì. Ɛ pa ta kí sɔbì dɔ Ndil kí aa njay kí ɛ ɓá to njètɛɛ kì dɔ ta lə Lubə kí tò lo ɓɔɔɔ-é-tì kadi dow-je. Lo kɔr-é-tì kí 2 lé, ɛ pa ta ɔsì-né ta njéndó dow-je né-je kí ngɔm. Lo kɔr-é-tì kí 3 lé, ɛ ulə dingə m mɛɛ njéndó mbete-je-tì liə kadi mɛɛ-dé ole dɔ ta-tì kí ta lə Lubə pa rəm, Lubə kí ra kullə mɛɛ kullə ra-je-tì lə dow-je rəm. Ɛ idə njéndó mbete-je liə kí 'Babe à ree

titi kí un-né mindi-é, ə ulə dingəm məe-dé-ti kadi d'isi pèrèrè kdo ndo təl-é.

*Təji rə kə lapiya kí ra*

<sup>1</sup> Mə Simə Piyər kí ngonnjəkullə rəm, njəkowkulə lə Jeju Kristi rəm, bə m'ndàngi mbete kin m'adi-si səi kí əwi kə kadməe kí gati-é nə asi-nə kə 'lə-ji kə takul né ra kí njururu lə Lubə lə-ji Jeju Kristi kí to Njəkəji-ji. <sup>2</sup> Kadi raməji kə lapiya nəy sə-si kí do madi-é-ti kə do madi-é-ti kdo gə kí 'gəi Lubə rəm, 'gəi 'Bəbe lə-ji Jeju kin rəm.

*Panjijə njəkadməe-je*

*Tit 2:11-14; Plp 1:9-11; 3:8-14*

<sup>3</sup> Təgi Lubə adi-ji né-je lay kí à ra sə-ji do kiskəm-ti rəm, do nam-ti kí j'nami kədə Lubə-ti ə adi j'gəi njəbə-ji kə takul rība liə kí sobi do-é rəm, bə kə takul məeməji liə rəm to. <sup>4</sup> Bəbə né-je kí gati-é nə kə né-je kí tə bəl nə kí Lubə un mindi-é kdo kadi-ji lé, ə adi-ji kə takul rība liə rəm, kə takul məeməji liə rəm. Né-é-je kinlé ə adi-ji bə kdo kadi j'təli-né dow-je kí j'titi-nə siə kə takul kay majal kí to kəmnda kí tuji dow-je dənangi-ti nə.

<sup>5</sup> Gin-é kinlé ya bə kadi uri-né rə-si biri kadi iləi məeməji do kadməe-ti lə-si rəm, iləi nəgə do məeməji-ti rəm, <sup>6</sup> iləi koreməe do nəgə-ti rəm, iləi kuwə rə nəgə do koreməe-ti rəm, iləi kuji kí kilə do Lubə-ti do kuwə rə nəgə-ti rəm, <sup>7</sup> iləi kuwə noji do kilə kuji do Lubə-ti rəm, bə iləi ndignə do kuwə noji-ti rəm to. <sup>8</sup> Kdotalə kinə né-je kinlé tə rə-si-ti ə oji-nə rə-si-ti rəmə à ra kadi a rai kullə rəm, kandi-si à tə rəm, məe gə-ti kí 'gəi 'Bəbe lə-ji Jeju Kristi rəm to. <sup>9</sup> Nəgə dow kí əw kə né-je kin rə-é-ti al lé, to njəkəmtə, kəm-é libri libri-libri rəm, bə məe-é oy səl do bər-ti kí 'bər majal-je

liə ká low kin rəm tɔ. <sup>10</sup> Gin-é kin b́a s̄əi ngankɔ-m-je ká njékadm̄ēe, uri rɔ-si biri kadi ɓa ká Lubə ɓa-si, k̀i mbəti ká e mbəti-si kinlé, 'rai kullə-é adi idi njiki-njiki. Kinə 'rai b̀e rəmə, a kusi m̄ēe majal-ti nda al. <sup>11</sup> B̀e kin b́a tarəbi kɔw kɔbe-ti ká sartagangi ká to kɔbe lə 'Babe lə-ji rəm, Njəkaji-ji Jeju Kristi lé à tò ki t̄ēe kadi to doo ǹē-si-ti.

*Ka gərərə do néndó-je-ti ká maji*

<sup>12</sup> Gin-é kin b́a m'ndigi kole-né m̄ēe-si do né-je-ti kin k̀i ndo-je lay. ə to né-je ká s̄əi 'gəi rəm, ɓa ta ká tɔgro-ti ká ngɔsnè kinlé kàrè kadi nja-si uwə nangi m̄ēe-é-ti maji rəm tɔ. <sup>13</sup> Kinə m'isi k̀i do-m taá nè ɓəy lé, m'oo m'adi to tó-é kadi m'ole m̄ēe-si do-ti kadi isi-né kəm do rɔ-si-ti. <sup>14</sup> Kdo titi ká 'Babe lə-ji Jeju Kristi adi-m m'gə-né lé, ma ya kàrè m'gə maji k̀i ndo kisi-m k̀i do-m taá n̄ay gɔji ngá. <sup>15</sup> Ngà m'a ra né-je kər-kər lay kdo kadi lé m'inqə-si kàrè rəmə m̄ēe-si ole do néndó-je-ti kinlé. <sup>16</sup> Kdotalə j̄e j'un go tasu-je ká kay ngangi-é kər-kər kin ɓa j'adi-si 'gəi-né tógi, k̀i ree lə 'Babe lə-ji Jeju Kristi lé al. Ngà j̄e j'oo ndógi ká e ndógi tɔji-né riɓa liə k̀i kəm-ji. <sup>17</sup> †Kdotalə ɓɔbi-é Lubə ɓa adi-é riɓa, k̀i kɔsgaji, loki e ká to njəriɓa ká n̄a lé ya pa panè: Ē kinlé to ngon-m ə m'ində-é dan kəm-m-ti rəm, ɓa rɔ-m nəl-m do-é-ti n̄a rəm tɔ. <sup>18</sup> Ndi dow kinlé ɓa dɔra-ti adi j'oo, loki j'a-né k̀i Jeju do mbal-ti ká aa njay. <sup>19</sup> ə ta lə njépata-je ká ta Lubə-ti ká j'gə maji ká to ta ká tɔgro-ti ká s̄əi 'rai maji adi isi indəi mbi-si ooi-né kinlé, to titi lampi ká ndógi londul-ti sar kadi lo tijə-né yərərə ə kadi londógi lə Kristi ndógi m̄ēe-si-ti titi ká ngòrongi ndógi-né dɔnangi-ti kin b̀e. <sup>20</sup> Kete ǹē né-je-ti lay lé, kadi 'gəi ká ta ká ta Lubə-ti ká

† 1:17 1:17 Mat 17:1-5; Mar 9:2-7; Luk 9:28-35

tò m̄ē mbete-ti kí aa njay kinlé, káre ya kàrè dow à kun kdo k̄or m̄ē-é k̄i d̄or̄-é al. <sup>21</sup> Kd̄otalə ta kí ta Lubə-ti t̄ē k̄i m̄ēdiḡi lə dow al, ngà to Ndil kí aa njay b̄á ɔ̄si dow-je adi 'pa ta kí ta Lubə-ti.

## 2

*Njéndó dow-je né-je kí ngom*

*Jud 3-16; 2Ti 3:1-9*

<sup>1</sup> Kete low dan Israyel-je-ti ya kàrè njékədtə-je kí 'b̄a r̄o-dé njépata-je kí ta Lubə-ti d'isi n̄ɔ̄ɔ. Gangi-é kin ya njéndó dow-je né-je kí ngom d'a k̄i-né dan-si-ti n̄ɔ̄ɔ t̄o. D̄e d'a ree k̄i néndó-je kí ngom kullə dan néndó-je-ti lə-dé kur-né dow-je wale kad̄i 't̄uji. 'Babe kí to njətaa-dé kilə-dé taá lé, m̄ē néndó-je-ti lə-dé rəm̄ə, 'naji 'panè n'ḡəi-é al, adi d̄e ya d'a kun t̄uji kí à kubə-dé nanḡi busi kdo kilə d̄o-dé-ti. <sup>2</sup> Dow-je n̄a ya d'a kun go-dé m̄ē panjiȳə-dé-ti kí jugi-jugi ə ta lə-dé ya dow-je d'a pa-né ta kí maji al d̄o ta-ti kí t̄ogr̄o-ti. <sup>3</sup> Kəm̄nda là ra-dé, adi d'a k̄ədi-si k̄i ta-je kí ta-dé-ti kdo kuso-si kare-kare b̄ə ya. Ngà low n̄u ya ta kí gangi kí s̄obi d̄o-dé isi n̄jiȳə jan-jan n̄ɔ̄ɔ rəm̄, b̄á t̄uji isi ngəbi-dé p̄èrèrè rəm̄ t̄o.

<sup>4</sup> Kdo malayka-je kí nd̄oki 'ra majal lé, Lubə īn̄ə-dé al, ngà uwə-dé ungi-dé bolebe-ti kí s̄ɔy-é goto lo kí ndul-ti, lo kin b̄á 't̄o-dé titi kdo ngəbi-né ta kí gangi; <sup>5</sup> dow-je kí d̄onangi-ti kí low nd̄oki lé, loki Lubə adi man bəl̄im ree un njera né kí t̄o n̄e takəm-é-ti lé, ē īn̄ə-dé al b̄ə ya t̄o. Dow-je jin̄aȳ joo b̄á ē aji-dé ə Nuwe to kí dan-dé-ti t̄o. Nuwe lé b̄á to njékilə mb̄e né ra kí njururu. <sup>6</sup> Lubə gangta d̄o b̄ebo S̄od̄om-ti k̄i b̄ebo Ḡom̄or-ti, r̄o-dé k̄i p̄ər ruki-ruki kad̄i to né t̄oji kdo njera né-je kí to n̄e kí m̄ē nd̄o-je-ti kí à ree. <sup>7</sup> Ngà Lubə aji Loti kí to njera né kí njururu. Loti lé, kullə kaya lə b̄okaya-je kinlé

adi-é mɛɛkɔ̃ n̄a. <sup>8</sup> Njèra né kí njururu kinlé, isi dan-dé-ti nɔɔ ɔ ndo-je lay ya rɔ-é ati-é kanana, kɔɔ ɔ oo né-je kí maji al maji al k̄i kəm-é rəm, b́a ta-é usi mbi-é-ti mbi-é-ti rəm tɔ. <sup>9</sup> Né kin tɔji toki dow-je kí njékilə kuji dɔ 'Babe-ti lé, 'Babe gə kaji-dé ta kɔ̃-ti, ngà njèra né-je kí njururu al b́a à kində-dé kɔ̃ji-dé ndo gangta-ti tɔ. <sup>10</sup> Kí boy n̄a rəm, to ta lə d̄e kí bɔ ra né-je kí t̄o n̄e ra-dé loti-loti, adi 'sangi kadi 'ra né-je kí maji al kí nəl daji rɔ-dé kin ɔ 'nədi-né tógi lə 'Babe.

D̄e d'oo rɔ-dé ki dow-je kí 'ngay rəm, 'to njékində kàdi-dé-je rəm, adi 'bəl pa ta kí maji al dɔ njériɓa-je-ti\* al. <sup>11</sup> Malayka-je kí tógi-dé itə-dé rəm, 'nga d'itə-dé rəm kin ya kàrè 'gangi ta dɔ njériɓa-je-ti kinlé al rəm, b́a 'pa ta kí maji al dɔ-dé-ti n̄e 'Babe-ti al rəm tɔ. <sup>12</sup> Dow-je kí njèra né-je kí njururu al kinlé, kuu dɔ-dé oy mburuki tan̄a kí d̄a-je kí d'á kɔɔ kadi dow uwə-dé ɔ tɔl-dé ya par kin bè. Ad̄i né kí d̄e 'gə al kàrè, d̄e 'pa ta kí maji al dɔ-ti rəm. D'a tɔl-dé titi kí dow-je 'tɔl-né d̄a-je kin bè. <sup>13</sup> Né ra kí njururu al lə-dé lé ya à to nékugə d̄oji-dé. Nəl-dé n̄a kadi 'ra kaya kada rəsi takəm dow-je-ti. Dowbé-je kinlé, loki d'isi sə-si ta nékuso-je-ti kí lo ra n̄ay-je-ti rəm, 'ra né rɔsɔl-je k̄i né-je kí tuwə ra al rəm, b́a rɔ-dé nəl-dé lo kədi dow-je-ti rəm tɔ. <sup>14</sup> Lo koo lə-dé to lo koo kaya ya bè; 'ra majal pi kàrè usi rɔ-dé-ti al rəm, d'ədi dow-je kí kadm̄e lə-dé yay; kəmda là ya rusi m̄e-dé n̄ji-n̄ji; 'to dow-je kí ndɔl t̄o dɔ-dé-ti. <sup>15</sup> Loki 'tusi rəbi kí njururu d'inh̄e lé, 'ndəm d'un rəbi kí go Balam-ti kí to ngon lə

\* 2:10 2:10 Njériɓa-je kinlé dow-je madi 'panè to ndil-je, d̄e kí n̄a-je 'panè to Malayka-je ɔ d̄e kí rangi 'panè to ta kí sobi dɔ dow-je kí ri-dé b́a n̄a tɔ.

Béor. Balam† lé nékugə dɔʒi kí njururu al b́á ɛ ndigi. <sup>16</sup> Adí 'ndángi-é kdɔ kaldɔta liə. Kɔ koro kí to dɔ́ kí lé à pa ta al ya é pa ta adí ndi-é b́á ndi dow ə gangi njèba rɔ-é njèpata kí ta Lubə-ti dɔ kullə mbə-ti liə.

<sup>17</sup> Njéndó dow-je né-je kí ngom kinlé, 'tana k̀ kəm kənənɛ́ kí man goto-ti kin b̀è rəm, 'tana k̀ kilndi kí yálbo tində sane kin b̀è rəm; lo kí ndul ndi-ndi ya b́á toki kuwə dɔ-é ngəbi-dé-né. <sup>18</sup> Ta-je kí mɛɛ wəy kare ya 'tidə d'adí ngə njim rəm, b́o né-je kí maji al maji al ya d'ədi-né dɛ́ kí ngosnè bəy é 'tɛɛ ji dow-je-ti kí 'ndəm d'ur wale. <sup>19</sup> Dɛ́ d'un mindi-dé d'adí-dé toki d'a to bə́ lə né madi al ngá. Rəmə dɛ́ njépa-é-je lé ya 'to bə-je lə majal. Kdɔtalə ńá-ńá ya to bə́ lə né kí njèkɔbɛ dɔ-é-ti. <sup>20</sup> Kdɔ kinə gə́ kí dow-je 'gə́ Jezu Kristi kí to 'Babe lə-ji rəm, Njəkaji-ji rəm kin ra adí 'tɛɛ kɔgi mɛɛ né-je-ti kí donangi-ti nè kí t̀ nɛ́ takəm Lubə-ti, b́á 'təl 'ndəm majal-é-je mbul-mbul gogi rəm, ə d'adí majal ɔ́ bɛ dɔ-dé-ti rəm lé, kisi-dé kí gogi nè kin təl majal ńa itə́ kí kete bəy. <sup>21</sup> Kdɔtalə, kinə lé 'gə́ rəbi ra né kí njururu lé al rəmə à t̀ soti kitə́ kadi 'gə́ ya b́á 'təl gidi-dé d'adí ndukun kí aa njay kí toki 'ndó-dé. <sup>22</sup> Gosta kí njururu pa ta sɔbi-né dɔ-dé panè: «Bisi təl ɔ́ tɔmɔ́ liə ə kɔsɔngi ndogi man ində́ lo tɛɛ́ b̀è ya kàrè təl ɔw rogi rɔ-é bɔr-ti gogi.»

### 3

*Ta kí sɔbi dɔ təl ree lə 'Babe Jezu  
Mat 24:37-38; 2Te 1:7-10; Jud 17-23*

† 2:15 2:15 Balam to dow kí kete low nɔ́ b́i to dow kí gangi bal-je-ti kí Piyər ndàngi-né mbete kin al (Kni 22-24; 31:16).

<sup>1</sup> Səi kɨ m'ində-si dan kəm-m-ti, mbete kɨ nè kinlé to kɨ njəkungi-ti joo ngá b́a m'ndangi madi-si tin. Mbete-je kɨ joo lay kin ya m'pa ta-ti m'ole-né mɛɛ-si do né-je-ti madi kadi 'gəi maji yóróró. <sup>2</sup> Bè kdo kadi mɛɛ-si ole-né do né-je-ti kɨ ndokɨ njépata-je kɨ ta Lubə-ti kɨ d'aa njay 'pa ta-é kete lé rəm, kadi mɛɛ-si ole-né do ndukun-ti læ Njəkaji-ji kɨ 'to 'Babe kɨ njékowkulə-je læ-si 'ndó-si kin rəm. <sup>3</sup> †Né kɨ kadi 'gəi maji ɛn: Mɛɛ ndo-je-ti kɨ dɔbɔy-ti lé, njəsoklo-je kɨ soklo rusi mɛɛ-dé nji-nji d'a ree kdo sokɨ dow-je ə panjiyə-dé ɔw go-na-ti kɨ kəmnda læ-dé. <sup>4</sup> Dɛ d'a sokɨ dow-je panè: «E ə un mindi-é panè n'a təl ree lé, à təl ndo kɨ rá-ti wa? Kdo low nu kɨ ka-ji-je d'oy kinlé, né-je lay ya tò gangi-é-ti kɨ ndokɨ tò-né low nu lo kində gin né-je-ti kinlé ya bəy.»

<sup>5</sup> Kdo né-je kɨ d'oo góróró ya 'ra toki né kɨ mɛɛ-dé oy do-ti bè lé ɛn: Ndokɨ Lubə pa ta ya dɔra tɛɛ rəm, b́a ta kɨ ta-é-ti lé ya dɔnangi ubə-né dan man-ti mbun ə man ra-é adi umə nati maji rəm to. <sup>6</sup> Rəmə gangi-é kin ya to b́a dɔnangi kɨ ndokɨ kete tuji-né kɨ kəm rəbi man kɨ tuú do-é læti-ləti. <sup>7</sup> Ngà ko ta kɨ káre-rè kinlé ya ində dɔra kɨ dɔnangi kɨ ngosnè kin ngangəm ngəbi-né pər, kdo ndo gangta rəm, ndo tuji dow-je kɨ njékilə kuji do Lubə-ti al rəm.

<sup>8</sup> Səi kɨ m'ində-si dan kəm-m-ti, né káre kɨ kadi mɛɛ-si oy do-ti al ɛn: Nɔ 'Babe-ti lé ndo káre toki bal budɔgi bè ə bal budɔgi toki ndo káre bè to. <sup>9</sup> Kinə 'Babe un mindi-é kdo ra né lé, à ra ya bi à kilə kisi do-ti mbay titi kɨ dow-je madi 'gir-né kinlé al. E to njékilə mɛɛ-é do madi-é-ti kdo-si; ɛ ndigi kadi dow káre ya kàrè oy kɔgi al, ngà ndigi kadi dow-je lay 'tusi panjiyə-dé kɨ maji al d'inə kɔgi.

---

† 3:3 3:3 Jud 1:18

<sup>10</sup> †Ndo læ 'Babe à kubə dow-je nangi busi tanə kè ree njèbogi bè. Mɛɛ ndo-é-ti kinlé, ká dora à ba kər lo loy-loy rəmə dora à goto, pər à ró né-je kí titi ə à sane kati-kati, pər à kɔ̄ dɔnangi kè né-je kí titi lay.

<sup>11</sup> Kinə né-je lay kin ya tò kadi tuji tanə bè lé, a kadi panjiyə-si kè nam kàdɪ Lubə-ti læ-si aa njay tanə ban b́á à kusi lo-é-ti ɔ́n wa! <sup>12</sup> 'Ngəbi ndo læ Lubə ə 'rai kadi ndo kinlé ree kalangi. Ndo-é-ti kinlé, pər à kɔ̄ dora kɔ̄ ró-é ruki-ruki rəm, b́á né-je kí titi kàrè à lɛ lóróró rəm tɔ. <sup>13</sup> †Ngà gangi-é kí ɛ un-né mindi-é adi-ji kin ya, jəi j'isi j'ngəbi dora kí sigi kè dɔnangi kí sigi kí né ra kí njururu tò-ti.

*Lubə* to njèkilə mɛɛ-é dɔ madi-é-ti

<sup>14</sup> Gin-é kin b́á səi kí m'ində-si dan kəm-m-ti, kaglo kí j'isi 'ngəbi-né kinlé, 'nduri dɔ rɔ-si-ti kɔ̄ kadi Lubə ree ingə-ji rəmə j'aaɪ njay rəm, ta goto dɔ-ji-ti rəm, j'isi kè lapiya rəm tɔ. <sup>15</sup> Kadi 'gəi maji kí kilə mɛɛ dɔ madi-é-ti læ 'Babe læ-ji kinlé to kajɪ læ-si, titi kí ngonkɔ̄-ji Pol kí j'ində-é dan kəm-ji-ti kàrè ndangi-né mbete adi-si kè gosi-é kí Lubə adi-é kadi ra-né kin ya tɔ. <sup>16</sup> To ta kin ya tɔ b́á Pol pa mɛɛ mbete-je-ti liə lay lo-je-ti kí ɛ pa ta sobi-né dɔ ta-je kinlé ə lo-é-je-ti kinlé ta-je kí lo gə mɛɛ-é ngə tò-ti nɔ̄ɔ, adi njégə né al-je kè dow-je kí tɔgi-dé asi al, d'ɔr mɛɛ ta-é-je lé kè lo-é al, titi kí d'ɔr-né mɛɛ ndəgi ta-je kí mɛɛ mbete-ti kí aa njay kɔ̄ tuji læ-dé kin bè tɔ.

<sup>17</sup> Bəba səi kí m'ində-si dan kəm-m-ti lé, ta-je kin usi mbi-si-ti kete ngá, ɔ́n ɔ́ ooi go rɔ-si maji, nè njèkilə kujɪ dɔ Lubə-ti al, kí 'ndəm kin d'a kɪ kɔ̄r-si go-dé-ti kadi 'tusi kə gərərə læ-si inəi kɔ̄gi. <sup>18</sup> Ngà kadi ɔ̄wi kí kete-kete mɛɛ ramaji-ti kè mɛɛ gə 'Babe-ti læ-ji kí to

† 3:10 3:10 Mat 24:43; Luk 12:39; 1Te 5:2; Ntd 16:15 † 3:13 3:13 Ntd 21:1



2 Piyər 3:18

9

2 Piyər 3:18

Njékajì-ji Jèju Kristì. Kadi ríḅa tò kí liə kí ngɔsnè-tì kin  
rəm, ḅá sartagangì rəm tɔ! Amɛn!

Ta lə Lubə Kunmindī kǐ Sigi

Mango: Ta lə Lubə Kunmindī kǐ Sigi (New Testament)

copyright © 2019 Wycliffe Bible Translators, Inc.

Language: (Mango)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 28 May 2022

96bdbd07-24d6-556c-9e7c-7269c72880cd